

**04 дүгээр сарын үйл ажиллагааны мэдээ****Нэг. Удирдлага, зохион байгуулалтын талаар**

**Гамшгаас хамгаалах бүх нийтийн бэлэн байдлын үед авч хэрэгжүүлсэн арга хэмжээний чиглэлээр:** Мөнххаан суманд Ковид-19-ын 91 тохиолдол бүртгэгдээд байна. Хэвтэн эмчлүүлээд гарсан 70, сумын хэмжээнд. Сумын хэмжээнд PSR –шинжилгээнд давхардсан тоогоор 1889 иргэн хамрагдаад байна. Гэрийн тусгаарлалт, гэрийн ажиглалтанд нийт 280 иргэн байгаагаас гэрийн тусгаарлалтанд 247, гэрийн ажиглалтанд 33 иргэн байна. . Дархлаажуулах вакцинд 546 иргэд, төрийн албан хаагч хамрагдсан. Сумын хэмжээнд 12 хөдөлгөөнт пост 1 суурин пост сумаас орох, гарах хөдөлгөөнд хяналт хийж ажиллаж байна. Ковид 19 цар тахлаас урьдчилан сэргийлэх ажилд нийт сургууль , цэцэрлэг,соёл, цагдаа ,эрүүл мэндийн төв, ЗДТГ-ын 60 гаруй төрийн албан хаагчид дайчлагдан ажиллаж байна. 2021 оны 03 сарын 29 ноос 04 сарын 22 ны байдлаар: Халдвар хамгаалалтын хувцас 12690,0 ,бензин шатахуун 15400,0, түргэвчилсэн оношлуур 350 ш 7875,0, PSR-ын оношлуур 1000ш 1650,0, хоол хүнс 1663,6, утас нэгж 550,0, бичиг хэрэг 237,5 төгрөгийн зардлын тооцоо гарч нийт 40066100 төгрөгийн зардал гарсан байна.

**Хоёр: Нийгмийн бодлогын хүрээнд:**

**Эрүүл мэндийн чиглэлээр:**

04 сарын 12 ны өдрөөс эхлэн ЭМТ-ийн ажилчид 2 ээлжээр ажиллаж байна. 1-р ээлжийн 8 ажилчид 14 хоног ажилласан. 2-р ээлж 04 сарын 27 ны өдрөөс 6 хүн ажиллаж байна. Нэмэлтээр жолооч -2, ариутгагч -1 авч ажиллуулсан. Ариутгал халдваргүйтгэлийг 30 айл өрх, ААН-д хийсэн. Халдвартай хог хаягдал 312 кг, энгийн хог хаягдал 65 кг шатааж булж устгасан. Түргэн тусламжийн дуудлага 71 ирснээс алсын дуудлага -26, ойрын дуудлага

**Соёлын төв**

Улсын онцгой комиссын шийдвэрээр бүх нийтийн бэлэн байдлын зэрэгт шилжсэнтэй холбоотойгоор олон нийтийн арга хэмжээ хорьсон учир олон нийтийн арга хэмжээ зохион байгуулагдаагүй. Сумын хэмжээнд Ковид 19 батлагдсан тул байгууллагын нийт ажилтнууд эргүүл постонд 21 өдөр гарч, цар тахалтай холбоотой гарсан сумын онцгой комиссын шийдвэр, мэдээ мэдээллийг нийтэд хүргэх ажлыг 11 удаа зохион байгуулан ажилласан. Цахимаар цар тахалтай холбоотой мэдээ мэдээлэл 15, соён гэгээрүүлэх мэдээ мэдээллийг 12 удаагийн давтамжтайгаар хүргэн 450 иргэдийн хандалт авч

ажилласан . Мөн нийтийн номын сан цахим хаягаар цахим ном уншлагын групп үүсгэн иргэдэд цахимаар ном унших нөхцөлийг бүрдүүлэн ажиллалаа.

Байгууллагын ажилтнуудыг аймгийн статистикийн газраас ирүүлсэн “Монгол бичиг” цахим судалгаанд 100 хувь хамруулж Монгол бичгийн цахим сургалтыг байгууллагын ажилтнуудад 2 удаа зохион байгуулан ажилласан.

Мөн аймгийн угсаатны зүйн музей, аймгийн мэргэжлийн хяналт, соёлын яамнаас зохион байгуулсан цахим сургалтуудад бүрэн хамрагдлаа. Байгууллагын нийт ажилтнуудыг вакцинжуулалтанд 100 хувь хамрууллаа.

Сумын онцгой комиссоос Соёлын төвийг 3.28-ны өдөр тусгаарлан ажиглах байр болгож тусгаарлалтын байрны бэлэн байдал бэлтгэл ажлыг хийж ариутгал халдваргүйжүүлэлтийг хийж бэлэн байдлыг ханган ажиллаж байна.

**ЕБС:** Коронавируст халдвар /covid-19/-ийн цар тахалтай холбоотойгоор сумын 3 хэсэгт буюу Агийн овоо, Тугийн овоо, Рашаантын постонд тус сургуулийн 39 албан хаагч өдөр бүр нэгдсэн хуваарийн дагуу эргүүл постонд хяналт хийж ажиллаж байна.

Дотуур байранд сууж байсан нийт 30 сурагчийг 3 удаагийн ПСР шинжилгээнд хамруулсны дараагаар эцэг эхэд нь хүлээлгэн өгсөн.

Ахмад настангууд болон төрийн албан хаагчид, аж ахуйн нэгжүүдийг коронавирусын эсрэг вакцинд хамруулах ажлыг сургуулийн 1-р байр болон спорт зааланд зохион байгуулсан ба тус ажлын зохион байгуулалтад сургуулиас 2 ажлын баг томилогдон хяналт хийн ажилласан.

Тус сургуулийн нийт багш ажилчдын зүгээс Сумын онцгой комисст 940.000 төгрөгийн хандив өгсөн. Тус сургуулийн нийт 71 ажилтан вакцинжуулалтад хамрагдаад байгаа бөгөөд халдвар авсан болон жирэмсэн ажилчдаас бусад багш ажилчид 100% хамрагдсан болно.

Аймгийн уран илтгэлийн аварга шалгаруулах “Оюуны давалгаа” уран илтгэлийн тэмцээний сүүлийн шатанд тус сургуулийн багш нарын бэлтгэсэн сурагчид багаараа 1-р байр эзэлж 8а ангийн сурагч Д.Есүгэн, 8б ангийн сурагч Б.Ариунаа нар шилдэг илтгэгчээр шалгарлаа.

БСШУЯ-аас зохион байгуулсан цахим даалгаварын сан бүрдүүлэх “Их нүүдэл сургалт”-д тус сургуулийн 52 багш хамрагдсан.

БСШУЯ, Гүрэн академаас хамтран зохион байгуулсан “Дэлхийн түвшний 1000 багш бэлтгэх хөтөлбөр”-т тус сургуулийн удирдлагууд хамрагдсан.

“Боловсролын чанарын шинэчлэл 5 төсөл”-ийн хүрээнд тус сургуулийн зүгээс “Бага боловсролын чанар хүртээмжийг сайжруулах” төслийг бичиж эхлээд байна.

**Хүүхдийн цэцэрлэг:** Төрийн албан хаагчийн үндэсний бичгийн мэдлэгийг тодорхойлох судалгааны талаарх Засаг даргын 1/374 тоот албан бичиг, судалгааг байгууллагын багш ажилчдыг бүрэн хамруулж зохион байгуулав.

Боловсролыг тасралтгүй үргэлжлүүлэхийн тулд бүлгийн багш нар анги бүлгийн группээр эцэг эхчүүд болон хүүхдүүдтэйгээ тасралтгүй холбогдож, “Теле хичээлийг тасралтгүй үзүүлэх” арга хэмжээг өөр өөрийн арга барилаар удирдан зохион явуулж байна. Мөн бүлгийн группээр дамжуулан нэмэлт дасгал даалгавар, нийт 59 цахим хичээлүүдийг бэлтгэн хүргэж ажиллаж байна. 1-р долоо хоног болон 2- долоо хоногийн Теле хичээлийн тоон үзүүлэлтийг бүлэг тус бүрээр гарган багш нарт танилцуулснаар бүлгийн багш нар бүлэг бүрийнхээ үзүүлэлт дээр ажиллаж теле хичээлийн үзэлт нэмэгдэж байна.

Эхний 7 хоногийн 1 дэхь өдөр теле хичээлийн үзэлт 53, 2% тай теле хичээлээ үзэж чадаагүй 117 хүүхэд байсан бол 5 дахь өдөр теле хичээлийн үзэлт 66, 8% тай үзэж чадаагүй 83 хүүхэд байна. Харин 2- р долоо хоногийн хувьд теле хичээлийн үзэлт 74, 4% тай 7, 6%- иар өссөн байна. Теле хичээлээ үзэж чадаагүй 64 хүүхэд байна.

ЕБС-ийн Д.Батдулам багшаар ахлуулан ҮНДЭСНИЙ БИЧИГТЭЙ ХАМТ ОЛОН БОЛЦГООЁ уриан дор байгууллагын бүх багш ажилчид үндэсний бичгээрээ бичих дадлага ажлыг өдөр бүр зохион явуулж байна.

Байгууллагын багш ажилчид Хөл хориг-Хөгжих боломж болгон анги бүлэгтээ сургалтын хэрэглэгдэхүүний баяжилтыг тогтмол хийж, эцэг эх олон нийтэд Бумбаалай цахим группээр танилцуулж байна. Мөн багш нар маань өөрийгөө хөгжүүлэх цахим хичээл бэлтгэх шинэ программуудыг туршин суралцаж хичээл үйл ажиллагаандаа, эцэг эх олон нийтэд Коронавирусээс урьдчилан сэргийлэх ,хамгаалах зөвлөгөө зөвлөмжийг тогтмол өгч хэвшээд байна. Вирусын эсрэг вакцинд 33 багш ажилтан хамрагдаад байна.

### **ГУРАВ: НИЙГМИЙН ХАЛАМЖИЙН ҮЙЛЧИЛГЭЭНИЙ ЧИГЛЭЛЭЭР**

Хөдөлмөр эрхлэлтийн дэмжих сангаас зарлагдсан төсөл хөтөлбөрүүдийн талаар сумын удирдлагуудад мэдээлэл өгсөн. Нийтийг хамарсан ажлын Хог цэвэрлэгээний төслийг ХХҮГ-ын төсөл хөтөлбөр хариуцсан мэргэжилтэнд цахимаар хүргүүлсэн. Ажил хайгч 5 иргэний мэдээллийг сэргээсэн.

### **НИЙГМИЙН ХАЛАМЖИЙН ҮЙЛЧИЛГЭЭНИЙ ЧИГЛЭЛЭЭР**

ОНОТХҮ-ний төсөл 4-р багийн иргэн Б.Оюуны төслийг хүлээн аваад байна.

2021 онд хөгжүүлэх 30 өрхийн дэлгэрэнгүй судалгааг хариуцсан мэргэжилтэнд хүргүүлсэн. Шинээр 7 хүүхэд бүртгэсэн. Цалинтай ээжийн 271 иргэнд ehalamj системээр

олгогдсон. Нийгмийн халамжийн тэтгэвэр 59 иргэнд ehalamj системээр олгогдсон. Олголтыг тулган баталгаажууллаа. ХЭБҮ-гээр 69 өрхийн 315 иргэний 3,760,0 мян төгрөгийн санхүүжилт хийгдсэн. Хүнсний олголтыг түгээлтээр хүргэж байна.

**Дөрөв: Мал эмнэлэгийн болон ХХАА-н чиглэлээр:**

Мөнххаан суманд COVID-19 өвчин гарсантай холбогдуулан халдварын хүрээг тархахаас урьдчилан сэргийлж, сумын онцгой комиссын даргын баталсан “Нэг өрх - Ариутгалын халдваргүйтгэл” аяны хүрээнд 4 хэсэг гарган 12 хүний бүрэлдэхүүнтэй ажлын хэсэг 2021 оны 4-р сарын 19-ний өдөр сумын төвийн 4 байрын бүх өрхүүдэд ариутгал халдваргүйтгэл хийж ажилласан. Энэ аяны хүрээнд бүх өрхийн ОО болон гадна болон дотор орчинд ариутгал халдваргүйтгэл хийж дархлааг дэмжих зорилгоор өрх бүрт VITAMIN-C, 5ш, белизна 1ш- ийг өгч ариутгал халдваргүйтгэл хийх зөвлөмж чиглэлийг өгч ажилласан.

1. Нийт 525 өрхийн ОО болон гадаад орчны 7350 м.кв талбайд халдваргүйтгэл хийж, 22.2 кг Hi sor8 суперкилл бодисыг зарцуулсан.
2. COVID-19 өвчний тусгаарлалтын дэглэм сахиж байгаа 36 өрхөд зөвлөмж өгч хашааны хаалганд нь таних тэмдэг байрлуулсан.
3. Нийт 525 өрхөд 525 ширхэг Белизна, 2625 ширхэг VITAMIN-C –г хүргэлтээр олгосон.

**Тав : Байгаль орчин газар зохион байгуулалтын чиглэлээр:**

Ковид-19 цар тахлын тархалттай холбогдуулан мэргэжлийн байгууллагаас гаргасан халдвар хамгааллын дэглэмийг мөрдөж тус сумын 5-н багийн дарга нар анхааруулах санамжийг хувиан 569-н өрхөд анхааруулах санамжийг өгч гарын үсгийн баталгааг авч ажилласан. Мөн хөдөөний 4-н багийн засаг дарга нар түймрийн эрсдэлтэй газарт нутаглаж байгаа айл өрхүүдэд утасаар мэдээллийг өгч ажилласан.

Мөнххаан зар зарлал нээлттэй группт болон 5-н багийн группт мэдээллийг ард иргэдэд 4 удаагийн давтамжтайгар цахимаар мэдээлэлийг өгч ажиллаж байна.

Сумын хэмжээнд нийт 7 үлээгчийг ажиллуулж шалгаад бэлэн болгоод байна. Цохиур 60ш түймэр унтраах багаж зэвсэглэмжийг нэмэгдүүлж ажилласан. Хээрийн түймэр гарах өндөр магадлалтай Баянцагаан 3-р багийн 21-р өрх, Баянтэрэм 1-р багийн 33-н өрх, Баян-уул 2-р багийн 15 өрхийн утасны жагсаалт гаргуулж авсан.

Ой, хээрийн гал түймрээс урьдчилан сэргийлэх, тэмцэх арга хэмжээг орон нутгийн хөтөлбөр, засаг даргын гүйцэтгэлийн төлөвлөгөөнд тусгаж, шаардагдах төсвийг батлуулан хэрэгжилтийг хангуулан ажиллаж байна.

**Газар зохион байгуулалтын чиглэлээр.** 4 сард 12 иргэний өргөдөл цахим системд авч бүртгэсэн. мөн төлбөрийн орлого нэмэгдэж 8 нэхэмжлэлийн газрын төлбөр 3870.000 төгрөгийн төлбөр орлого орсон.

ТГ-ЫН МЭРГЭЖИЛТЭН

О.ТУЯА.

